



სატელიტთან დაკავშირებული საკომუნიკაციო მოწყობილობის

სახელმწიფო შესყიდვა.

ელექტრონული ტენდერის

სატენდერო დოკუმენტაცია

თბილისი

2012 წელი

1. ინსტრუქცია ელექტრონული ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარეს 2011 წლის 7 აპრილის №9 ბრძანების შესაბამისად.

1.2 სატენდერო წინადადების წარდგენისათვის უნდა იყოს დარეგისტრირებული სახელმწიფო შესყიდვების ერთიან ელექტრონულ სისტემაში <https://tenders.procurement.gov.ge> მიმწოდებლის სტატუსით. შემდეგ ვალდებული ხართ გაეცნოთ აფიდავიტის პირობებს და დაეთანხმოთ მას (გაცნობას და თანხმობას ადასტურებთ სისტემის მეშვეობით).

1.3 1.2 პუნქტის გავლის შემდგომ, პრეტენდენტი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4 სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით (ელექტრონული გარანტიის მოქმედების მინიმალური ვადა - არანაკლებ 60 კალენდარული დღე სატენდერო წინადადებების წარდგენის დაწყების ეტაპიდან). ტენდერში მონაწილეობის საფასური შეადგენს 50 (ორმოცდაათი) ლარს.

1.5 ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთამდე სახელმწიფო შესყიდვების განხორციელების წესის შესახებ დებულებით გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გეკნებათ სატენდერო წინადადების წარდგენისა და შესაბამისად, ტენდერში მონაწილეობის შესაძლებლობა.

1.6 მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.7 სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.8 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.9 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი.

1.10 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.11 ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.12 ბიჯი არის სატენდერო წინადადების ფასის კლების წინასაწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.13 დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.14 დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი

ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.15 მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.16 იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.17 თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 სამუშაო დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.18 თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

1.19 იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

1.20 პრეტენდენტის დისკვალიფიკაცია ხდება შემდეგ შემთხვევებში:

ა) პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე მონაცემების წარმოდგენისას.

ბ) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;

გ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;

დ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში;

ე) პრეტენდენტის მიერ არაკეთილსინდისიერი ქმედების განხორციელებისას.

1.23 ამ ინსტრუქციის 1.2 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.24 „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარეს 2011 წლის 7 აპრილის №9 ბრძანების მე-2 მუხლის პირველი პუნქტის „ჟ“, „რ“ და „ტ“ ქვეპუნქტებით გათვალისწინებული ეტაპის შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

ა) პრეტენდენტი უარს იტყვის თავის სატენდერო წინადადებაზე;

ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად;

გ) პრეტენდენტი დისკვალიფიცირებულია „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარეს 2011 წლის 7 აპრილის №9 ბრძანების მე-13 მუხლის მე-2 პუნქტის „ბ“, „გ“, „ე“ და „ზ“ ქვეპუნქტების შესაბამისად.

1.25 იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 1.24 პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

1.26 ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს ელექტრონული ტენდერის შემთხვევაში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, ანაზღაუროს შესყიდვაში მონაწილეობასთან დაკავშირებული ხარჯები.

1.27 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე (შესყიდვის ობიექტის სპეციფიკური ტექნიკური აღწერილობა შესაძლებელია წარმოდგენილი იყოს ინგლისურ ენაზე).

1.28 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.29 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.30 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.31 პრეტენდენტს არა აქვს უფლება წარმოადგინოს ალტერნატიული წინადადება.

2. საკვალიფიკაციო მოთხოვნები:

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1.1 იურიდიული პირებისათვის:

- ა) ცნობა უფლებამოსილი ორგანოდან, რომ არ ხორციელდება იურიდიული პირის რეორგანიზაცია ან ლიკვიდაცია;
- ბ) ცნობა უფლებამოსილი ორგანოდან, რომ იურიდიული პირის მიმართ არ მიმდინარეობს გადახდისუნარობის საქმის წარმოება;
- გ) ცნობა საგადასახადო ინსპექციიდან ბიუჯეტის წინაშე დავალიანების არარსებობის შესახებ;

2.1.2 ფიზიკური პირებისათვის:

- ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუნარობის საქმის წარმოება;
- ბ) ცნობა საგადასახადო ინსპექციიდან ბიუჯეტის წინაშე დავალიანების არარსებობის შესახებ;

2.2 როგორც იურიდიული ასევე ფიზიკური პირებისათვის:

- ა) პრეტენდენტის მიერ წარმოდგენილი უნდა იყოს: (იხ. დანართი №1) საქონლის ძირითადი მახასიათებლები, მისაწოდებელი საქონლის მწარმოებლის დასახელება, საქონლის წარმოშობის ქვეყანა, საქონლის მიწოდების ვადები და საქონლის ერთეულის და საერთო ფასი (სატენდერო წინადადებაში ერთეულის და საერთო ფასი გამოსახული უნდა იყოს შესყიდვის ობიექტის მიწოდებასთან დაკავშირებული ტრანსპორტირების, სხვა ხარჯების და საქართველოს კანონმდებლობით გათვალისწინებული ყველა გადასახადის გათვალისწინებით).
- ბ) ინფორმაცია ანგარიშსწორების შესახებ; (მიმწოდებლის მოთხოვნის შემთხვევაში შემსყიდველი ავანსად გადაურიცხავს მიმწოდებელს ხელშეკრულების საერთო ღირებულების არაუმეტეს 75%-ს; მოთხოვნა საავანსო გადახდაზე უნდა იყოს აღნიშნული სატენდერო წინადადებაში, წინააღმდეგ შემთხვევაში ხელშეკრულების დადების დროს და მისი მოქმედების პერიოდში მოთხოვნა საავანსო გადახდაზე დაუშვებელია).
- გ) პრეტენდენტის დასახელება, იურიდიული და ფაქტიური მისამართი, საკონტაქტო ტელეფონის ნომერი და ელექტრონული ფოსტის მისამართი, საბანკო რეკვიზიტები, ხელმძღვანელის და საკონტაქტო პირის სახელი და გვარი.

შენიშვნა:

1. ტენდერში გამოყენებულ იქნება ხელშეკრულების შესრულების უზრუნველყოფის მექანიზმი, საბანკო გარანტია, ხელშეკრულების საერთო ღირებულების 2%-ის ოდენობით.
2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს ელექტრონული ტენდერზე „წინადადების მიღება დაწყებულია“ სტატუსის მინიჭების შემდეგომ „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარეს 2011 წლის 7 აპრილის №9 ბრძანების მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ, (ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნეს შემსყიდველი ორგანიზაციაში შემსყიდველის მოთხოვნიდან არა უმეტეს 5 (ხუთი) სამუშაო დღეში.
3. არარეზიდენტი პრეტენდენტი(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე. (საკვალიფიკაციო მონაცემები არარეზიდენტი პრეტენდენტის შემთხვევაში გაცემული უნდა იყოს ელექტრონული ტენდერზე „წინადადების მიღება დაწყებულია“ სტატუსის მინიჭებიდან არაუგვიანეს ოცდაათი დღისა.
4. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში შესაძლებელია განხორციელდეს სისტემის და/ან სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდინს პრეტენდენტის დისკვალიფიკაციას.
5. პრეტენდენტის მიერ 2.2 ქვეპუნქტით გათვალისწინებული საკვალიფიკაციო მონაცემები შესყიდვების ელექტრონულ სისტემაში უნდა აიტვირთოს ტექნიკურ დოკუმენტაციასთან ერთად.

3. საქონლის მიწოდების გრაფიკი და ტექნიკური პირობები

3.1 საქონლის მიწოდების ადგილია: ქ. თბილისი კოსტავას ქ. №68

3.2 საქონლის მიწოდების ვადაა: ხელშეკრულების გაფორმებიდან 90 (ოთხმოცდაათი) დღე;

3.3 შესყიდვის ობიექტია: **მოთხოვნილი თანამგზავრული გადამცემი კომპლექტი DVB-S/DVB-S2 მოდულაციით, სტანდარტული SD და მაღალი გარჩევადობის HD სიგნალების გადასაცემად.**

კომპლექტის შემადგენლობის დასახელება:

1 - თანამგზავრული ანტენა, ანტენის უნივერსალური სამაგრი მანქანის სახურავზე ანტენის მონტაჟისათვის აუცილებელი აქსესუარები: მიმღები თავაკი LNB, Lband პატჩ - პანელი, სპლიტერი, ტალღამტარები, კაბელები, კონექტორები და ა.შ.

2 - ანტენის მართვის მოწყობილობა / ავტომატური აწყობის სისტემა GPS და fluxgate (ინდუქციური) კომპას ფუნქციით შემართებული კაბელები;

3 - მაღალსიხშირული გამაძლიერებელი, რომელიც შეიცავს სიხშირის ამწევ კონვერტორს BUC და გამაძლიერებლის მართვის მოწყობილობას;

4 - მაღალი გარჩევადობის MPEG2 HD ენკოდერი;

5 - სპეკტრის ანალიზატორი;

№	კომპლექტის შემადგენლობის ჩამონათვალი	რაოდენობა
1	<u>თანამგზავრული ანტენა და მისი მართვის მოწყობილობა; ანტენის ავტომატური აწყობის სისტემა GPS კომპას ფუნქციით:</u> 1,5 მეტრიანი ოფსეტური KU-Band დიაპაზონის SD/HD Drive-Away ანტენა, მართვის და აწყობის ავტომატური სისტემით GPS Kompas ფუნქციით. ანტენა დამზადებულია ნახშირბად-ბოჭკოვანი მასალიდან (Carbon-Fiber). ანტენის მართვის მოტორიზებული სისტემა ანტენის ოპერატიულად გაშლის და მისი სწრაფად სამუშაო მდგომარეობაში მოყვანის საშუალებას იძლევა. ავტომანქანის სახურავზე ანტენის ბუდეში შეიძლება 2 x 400ვტ-ანი მაღალი სიმძლავრის გამაძლიერებლის განთავსება, რომლებიც ტალღამტარებით ანტენასთან შეიძლება იყოს მიერთებული. ანტენის კომპლექტი იძლევა საშუალებას გადაიცეს, როგორც IP სტრიმინგი, ასევე HD MPEG2 და MPEG4 ფორმატით კოდირებული სიგნალები. დახურულ მდგომარეობაში ანტენა მთლიანად ჩამჯდარია თავის ბუდეში. აქვს მომრგვალებული აეროდინამიკური ფორმა, რაც საშუალებას აძლევს მანქანას იმოძრაოს დიდი სიჩქარით. ანტენის კომპლექტი: ა) ავტომობილის სახურავზე უნივერსალური სამაგრი კომპლექტი, რომელმაც უნდა უზრუნველყოს მისი მონტაჟი ჯიპის სტილის მანქანაზე, კერძოდ “Toyota Sequoia”-ზე. ბ) ანტენის მონტაჟისათვის აუცილებელი აქსესუარები: ტალღამტარები, უნივერსალური მიმღები თავაკი LNB 10.75გჰც დან 12.70გჰც მდე სიხშირული დიაპაზონის, 700-2150 MHz 4 way სპლიტერების კომპლექტი, Lband პატჩ პანელი, კაბელები, კონექტორები და ა.შ. ანტენის ძირითადი მახასიათებლები: Antenna size - 1.5 x 1.35 m Side lobe performance - 29-25 log Ø dBi Antenna Polarization - Linear orthogonal, <1° accuracy Feed interface - WR-75 Transmit performance Transmit frequency - 13.75 to 14.50 GHz Transmit gain at mid-band- 45.0 dBi Receive performance Receive frequency - 10.70 to 12.75 GHz Receive gain - 43.2 dBi EIRP capability DSNG EIRP capability - not less: 70.0 dBW with 400 W TWTA General characteristics – Antenna travel range Azimuth range +/- 180°	1

	Polarization range +/- 120° Fast mode: not less 2.0°/s Slow mode: not more 0.3° ელევაციის დიაპაზონი 10° to 90°	
2	ანტენის მართვის მოწყობილობა: მართვის მოწყობილობის შესაძლებლობები: ანტენის ავტომატური გაშლა და დაკეცვა. აზიმუტის, ელევაციის და პოლარიზაციის ცვლილების ორ სიჩქარიანი მექანიკური მართვა. ანტენის მდებარეობის (პოზიციის) ჩვენების საშუალება. ანტენის მდებარეობის ავტომატური მოძებნა. წინასწარ დამახსოვრებული პარამეტრების (Lat/Long) მიხედვით, GPS ან ინდუქციური (fluxgate) კომპასის გარეშე. ინდუქციური კომპასით ფუნქციონირება: - წინასწარ შერჩეული მდებარეობის (გეოგრაფიული კოორდინატების) არჩევა, ავტომატილის მარშრუტის შეყვანა ინდუქციური კომპასის მეშვეობით; მართვის ნორმალური დონის ფუნქციონირება - GPS-სა და ინდუქციური კომპასის მეშვეობით შესაძლებელია ანტენის ავტომატური დამიზნება სასურველ სატელიტზე. ანტენის აწყობის ავტომატური სისტემა - GPS და fluxgate კომპას ფუნქციით. რომელიც იძლევა ანტენის ავტომატური აწყობის საშუალებას შერჩეული სატელიტის მითითების შემთხვევაში. კომპლექტში უნდა შედიოდეს კაბელები და აქსესუარები, რომლებიც უზრუნველყოფენ კონტროლერის შეერთებას გადამცემ ანტენასთან.	1
3	მაღალსიხშირული გამაძლიერებელი მოწყობილობა (HPA) გამაძლიერებლის მართვის მოწყობილობა და სიხშირის ამწევი კონვერტორის ბლოკით: კომპაქტური, გადასატანი, ტალღის მილაკიანი მაღალი სიმძლავრის Ku დიაპაზონის 400 ვატიანი გამაძლიერებელი მოწყობილობა შენობის გარეთ გამომოყენებისვის; უნდა ქონდეს RF ფილტრები, გაგრილების, მართვისა და მონიტორინგის სისტემები; ტალღამტარის მეშვეობით ანტენასთან მიერთების შესაძლებლობით; კვების წყაროს დიდ ფარგლებში ცვალებადობის (100 - 260VAC, 47-63Hz) მუშაობის შესაძლებლობით;	1
4	მაღალი გარჩევადობის MPEG2 HD ენკოდერი: მულტი ფორმატული MPEG-2 SD/HD DSNG ენკოდერი. კოდირება DVB-S და DVB-S2 ფორმატებში 4:2:2 და 4:2:0 მეთოდით. ენკოდერი უნდა აკმაყოფილებდეს შემდეგ შესაძლებლობებს (სტანდარტს): სიგნალის კოდირება და მოდულაცია: DVB-S - QPSK, 8PSK, 16QAM. DVB-S2 - QPSK, 8PSK, 16APSK. Symbol Rate: 1 to 48 Msym/s variable in 1 Syms increments L-band Output : Frequency: 950 to 1750 MHz (1 kHz steps) Output power: -20 to +5dBm (0.1 dB steps) Monitor output: -30dB relative to main output Switchable up-converter power: +24Vdc, 500mA max. Switchable 10 MHz reference ASI Outputs Transport Stream: 3 x ASI Copper Single Program Transport Stream ვიდეო სიგნალის კოდირება: MPEG-2 422P@ML 2 to 50 Mbit/s (in SD mode) MPEG-2 MP@ML 1.5 to 15 Mbit/s MPEG-2 MP@HL 2 to 90 Mbit/s (480p and 576p) MPEG-2 MP@HL 6 to 90 Mbit/s (720p and 1080i) MPEG-2 422MP@HL 6 to 90 Mbit/s (720p and 1080i) HD გარჩევადობის მხარდაჭერით:	1

1080 x 1920/1440/1280pSF 23.976

1080 x 1920/1440/1280pSF 24

1080 x 1920/1440/1280i 25

1080 x 1920/1440/1280i 29.97

1080 x 1920/1440/1280i 30

720 x 1280p 50

720 x 1280p 59.94

720 x 1280p 60

576 x 720/704p 50

480 x 720/704p 59.94

480 x 720/704p 60

აუდიო კოდერი:

2 x სტერეო აუდიო არხის დამუშავება

MPEG Layer II Audio Encoding Standard Layer 2

სტანდარტული ენკოდირების სიჩქარე 32 kbps to 384 kbps

Dolby® Digital (AC-3) Two Channel Encoding

Dolby® ენკოდირების სიჩქარე 64 kbps to 640 kbps

Dolby® Digital (AC-3) 1-5.1, Dolby® Digital E

Pre-encoded channel pass-through

Selectable Uncompressed Linear Audio

Pulse code modulated with 20-bit sampling

თვისებები:

თექვსმეტი სრულად რეგულირებადი საოპერაციო კონფიგურაცია.

შიდა ტესტ ტონი და ტესტის შეფერილობის გენერატორი

ლოგოს ჩასმის საშუალება.

მართვა:

LCD ეკრანიანი ენკოდერის წინა პანელზე განლაგებული ღილაკებით და ციფრული კლავიატურით.

ვებ ინტერფეისის RS-232 & RS-485 დისტანციური კონტროლის პორტების მეშვეობით.

გარე SNMP კონტროლის მხარდაჭერა.

ვიდეო შესასვლელი:

Analog CVBS NTSC and PAL 10 bit sampling, SDI (SMPTE 259M) with EDH error detection and help monitoring.

HSYNC support for 625 and 525 line HDSDI (SMPTE 292M).

აუდიო შესასვლელი:

Analog input levels: 12, 15, 18, 21, 22 and 24dB

2 x AES/EBU stereo digital audio inputs expandable to four stereo.

Up to four stereo audio channels can be extracted from SDI/HD SDI.

Input levels: 12, 15, 18, 21, 22 and 24dB 2 x analog audios balanced 600W/20kW.

Sampling rates of 32 kHz, 44.1 kHz & 48 kHz.

ელქტრო კვება:

100 - 120 ვ / 220 - 240 ვ

სიმძლავრე: ნომინალური 150ვტ (მაქსიმალური 250ვტ)

Audio Option card

- Two Stereo Pairs Supported Per Card

- Analog input levels: 12, 15, 18, 21, 22 and 24dB

- MPEG Layer II audio encoding

- Dolby® Digital (AC-3) 2.0 encoding

- Dolby® Digital (AC-3) 1 – 5.1 channel and Dolby® E pass through

- Linear PCM and DTS pass-through

- One audio option card may be fitted supporting a total of four stereo pairs in the unit

BISS Option Card:

	•BISS (Basic Interoperable Scrambling System) for secure contribution links. Allows material to be protected from unwanted viewing using the BISS open standard. Supports BISS Modes 0, 1 and Mode E ; Noise Reduction: • Four levels of professional-grade adaptive noise reduction AUTO-CONCATENATION • Aligns the encoder to a previous encoder's GOP structure to significantly reduce coding artifacts caused by successive coding and decoding. RAS • Television's proprietary scrambling system MAINS CORD EUROPE	
5	სპექტრის ანალიზატორი 19" კარადაში ჩამონტაჟების სამაგრების კომპლექტით: სიხშირეების დიაპაზონი 950MHz – 2,150 MHz. გამტარიანუნარობის სიხშირეები 10KHz, 100KHz, 300KHz, 1MHz. RF მგრძნობიარობა: Greater than - 85 dBm Typical. საკონტროლო დონეები Selectable - 10 dBm, - 30 dBm, -50 dBm. დინამიური დიაპაზონი 40 dB on Application Window. ამლიტუდური სიზუსტე +/- 1 dB typical. სიხშირული სიზუსტე +/- 1KHz typical. შემოშვებული კონექტორი "BNC". ზომები 8.0" x 4.75" x 16.5". დისპლეი Full VGA Color LCD	1

3.3 მიმწოდებელმა უნდა უზრუნველყოს შესყიდვის ობიექტის ისეთი შეფუთვა, რომელიც დაიცავს მას დაზიანებისაგან დანიშნულების ადგილზე ტრანსპორტირების პროცესში.

3.4 შემოთავაზებული საქონელი უნდა იყოს მაღალი ხარისხის რომელიც უნდა აკმაყოფილებდეს შესაბამის სტანდარტებს.

3.5 შემსყიდველი საქონლის მიწოდების პარალელურად განახორციელებს საქონლის შემოწმებას, იმ შემთხვევაში თუ მიწოდებულ საქონელს შემოწმების პროცესში აღმოჩნდება გარკვეული ხარვეზები ან შემოწმებული საქონელი ვერ დააკმაყოფილებს ტექნიკურ მონაცემებს შემსყიდველი უფლებამოსილია უარი განაცხადოს შესყიდვის ობიექტის მიღებაზე და მიღება-ჩაბარების აქტის გაფორმებაზე.

3.6 მიწოდებული საქონლის ტექნიკური შემოწმების პროცესში მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი წუნდებული საქონლის შეცვლა.

3.7 შესყიდვის ობიექტის ტექნიკური და ხარისხობრივი კონტროლი (შემოწმება) გაიმართება შემსყიდველის იურიდიულ მისამართზე, მიმწოდებელი ორგანიზაციის წარმომადგენლ(ებ)ის თანდასწრებით.

3.8 შემოთავაზებულ საქონელზე უნდა ვრცელდებოდეს 1 (ერთი) წლიანი საგარანტიო მომსახურება, საგარანტიო პერიოდში მიწოდებულ საქონელზე ქარხნული დეფექტის და/ან დაზიანების (სწორი ექსპლუატაციის პირობებში) აღმოჩენის შემთხვევაში, მიმწოდებელმა საკუთარი ხარჯებით უნდა უზრუნველყოს შემსყიდველის შეტყობინების მიღებიდან (როგორც ზეპირი, ასევე წერილობითი ფორმით) არაუმეტეს 30 (ოცდაათი) სამუშაო დღის განმავლობაში წუნდებული საქონელის შეკეთება და/ან შეცვლა.

3.9 საგარანტიო პერიოდში საჭიროების შემთხვევაში ტექნიკის ტრანსპორტებას მიმწოდებლის მხარეს და შეკეთებული ტექნიკის ტრანსპორტირებას შემსყიდველის მხარეს (ქ. თბილისის კოსტავას ქ. №68) უზრუნველყოფს მიმწოდებელი საკუთარი ხარჯებით.

3.10 ანგარიშსწორება განხორციელდება საქონლის მიწოდების შემდეგ მხარეთა შორის მიღება ჩაბარების აქტის გაფორმებიდან 7 (შვიდი) დღეში და/ან მიმწოდებლის მოთხოვნის შემთხვევაში შემსყიდველი ავანსად გადაურიცხავს მიმწოდებელს ხელშეკრულების საერთო ღირებულების 75%-ს, (მიმწოდებლის მიერ ავანსის სახით გადასახდელ თანხაზე საავანსო საბანკო გარანტიის წარმოდგენის შემთხვევაში, საავანსო საბანკო გარანტიის წარმოდგენიდან 7 (შვიდი) დღეში), მოთხოვნა საავანსო გადახდაზე უნდა იყოს აღნიშნული სატენდერო წინადადებაში, წინააღმდეგ შემთხვევაში ხელშეკრულების დადების დროს და მისი მოქმედების პერიოდში მოთხოვნა საავანსო გადახდაზე დაუშვებელია.

3.11 სახელმწიფო შესყიდვის დაფინანსების წყაროა: სახელმწიფო ბიუჯეტი;

დანართი №1

პრეტენდენტის დასახელება და მისამართი _____

ფასების ცხრილი

№	საქონლის დასახელება	საქონლის ძირითადი მახასიათებლები და მწარმოებელი	წარმოშობის ქვეყანა	რაოდენობა	ერთეულის ფასი	საერთო ღირებულება	მიწოდების ვადა
1	2	3	4	5	6	7	8

შენიშვნა: სატენდერო დოკუმენტაციის ფასების ცხრილის მე-2 და/ან მე-3 გრაფაში უნდა იყოს მითითებული საქონლის ძირითადი მახასიათებლები მწარმოებელი და საფირმო ნიშანი.

პრეტენდენტის ხელმოწერა _____

4. სახელმწიფო შესყიდვების შესახებ ხელშეკრულების პროექტი

ქ. თბილისი

ხელშეკრულება N

2012 წელი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

1. ხელშეკრულების დამდები მხარეები

ერთი მხრივ სსიპ „საზოგადოებრივი მაუწყებელი“ (შემდგომში „შემსყიდველი“) მისი გენერალური დირექტორის გიორგი ჭანტურიას სახით და მეორეს მხრივ, _____ (შემდგომში „მიმწოდებელი“) მისი დირექტორის _____ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე: შემსყიდველმა ჩაატარა ელექტრონული ტენდერი (SPA-----) სატელიტთან დაკავშირებული საკომუნიკაციო მოწყობილობის (კლასიფიკატორის (CPV) კოდი № 32530000), სახელმწიფო შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება და მიმწოდებელმა აიღო ვალდებულება მიაწოდოს შემსყიდველს წინამდებარე ხელშეკრულებით განსაზღვრული საქონელი.

1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს:

ა) წინამდებარე ხელშეკრულება;

ბ) პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული ყველა სხვა დოკუმენტი;

გ) სატენდერო დოკუმენტაცია;

2. ხელშეკრულებაში გამოყენებულ ტერმინთა განმარტებები

2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

2.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

2.3. „დღე“, „კვირა“, „თვე“ – კალენდარული დღე, კვირა, თვე.

2.4. „შემსყიდველი“ – ორგანიზაცია, რომელიც ახორციელებს შესყიდვას.

2.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

3. ხელშეკრულების საგანი

3.1. სატელიტთან დაკავშირებული საკომუნიკაციო მოწყობილობის სახელმწიფო შესყიდვა.

3.2. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში.

4. ხელშეკრულების ღირებულება

4.1. ხელშეკრულების ჯამური ღირებულება შეადგენს _____ ლარს.

4.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

5. ხელშეკრულების შესრულების კონტროლი

5.1 მიმწოდებლის მიერ ხელშეკრულებით ნაკისრი ვალდებულების შესრულების კონტროლს შემსყიდველის მხრიდან განახორციელებს - სსიპ „საზოგადოებრივი მაუწყებლის“ სპეციალურად უფლებამოსილი თანამშრომელი(ებ)ი.

5.2 შემსყიდველი საქონლის მიწოდების პარალელურად განახორციელებს საქონლის შემოწმებას, იმ შემთხვევაში თუ მიწოდებულ საქონელს შემოწმების პროცესში აღმოჩნდება გარკვეული ხარვეზები ან შემოწმებული საქონელი ვერ დაკმაყოფილებს შესაბამის ტექნიკურ მონაცემებს, შემსყიდველი უფლებამოსილია უარი განაცხადოს შესყიდვის ობიექტის მიღებაზე და მიღება-ჩაბარების აქტის გაფორმებაზე.

5.3 მიწოდებული საქონლის ტექნიკური შემოწმების პროცესში მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი წუნდებული საქონლის შეცვლა.

5.4 შესყიდვის ობიექტის ტექნიკური და ხარისხობრივი კონტროლი (შემოწმება) გაიმართება შემსყიდველის იურიდიულ მისამართზე, მიმწოდებელი ორგანიზაციის წარმომადგენლ(ებ)ის თანდასწრებით.

6. შეფუთვა

მიმწოდებელმა უნდა უზრუნველყოს შესყიდვის ობიექტის ისეთი შეფუთვა, რომელიც დაიცავს მას დაზიანებისაგან დანიშნულების ადგილზე ტრანსპორტირების პროცესში.

7. შესყიდვის ობიექტის მიღება-ჩაბარების წესი

7.1 საქონლის მიწოდება განხორციელდება, საქონლის მიწოდების გრაფიკისა და მიმწოდებლის მიერ წარმოდგენილი სატენდერო წინადადების შესაბამისად.

7.2 საქონლის მიწოდებას - ქ. თბილისში კოსტავას ქ. №68-ში, - უზრუნველყოფს მიმწოდებელი საკუთარი ხარჯებით (საქართველოს კანონმდებლობით გათვალისწინებული ყველა გადასახადისა და გადასახდელის, ასევე ყველა ხარჯის, რომელიც დაკავშირებულია საქონლის მიწოდებასთან, ჩათვლით).

7.3 შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

7.4 მიღება-ჩაბარების აქტების გაფორმების პარალელურად მიმწოდებელი ვალდებულია წარუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7.5 მიღება-ჩაბარების აქტების გაფორმებაზე პასუხისმგებელ პირს წარმოადგენს წინამდებარე ხელშეკრულების სპეციფიკური პირობების 5.1 მუხლში აღნიშნული პირები.

7.6 მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი.

8. გარანტია

8.1 საქონლის სრულფასოვანი ფუნქციონირების საგარანტიო ვადა, (საგარანტიო პირობები რომლის განმავლობაშიც მიმწოდებელი ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა) განისაზღვრება სატენდერო დოკუმენტაციით და მიმწოდებლის სატენდერო წინადადების შესაბამისად.

8.2 საქონელზე უნდა ვრცელდებოდეს 1 (ერთი) წლიანი საგარანტიო მომსახურება, საგარანტიო პერიოდში მიწოდებულ საქონელზე ქარხნული დეფექტის და/ან დაზიანების (სწორი ექსპლუატაციის პირობებში) აღმოჩენის შემთხვევაში, მიმწოდებელმა საკუთარი ხარჯებით უნდა უზრუნველყოს შემსყიდველის შეტყობინების მიღებიდან (როგორც ზეპირი, ასევე წერილობითი ფორმით) არაუმეტეს 30 (ოცდაათი) სამუშაო დღის განმავლობაში წუნდებული საქონელის შეკეთება და/ან შეცვლა.

9. ანგარიშსწორება

9.1 ანგარიშსწორება მოხდება ლარებში;

9.2 გადახდის ფორმა - უნაღდო;

9.3 ანგარიშსწორების გრაფიკი (მხარეთა შეთანხმებით);

9.4 ანგარიშსწორება განხორციელდება საქონლის მიწოდების შემდეგ მხარეთა შორის მიღება ჩაბარების აქტის გაფორმებიდან 7 (შვიდი) დღეში და/ან მიმწოდებლის მოთხოვნის შემთხვევაში შემსყიდველი ავანსად გადაურიცხავს მიმწოდებელს ხელშეკრულების საერთო ღირებულების არაუმეტეს 75%-ს, (მიმწოდებლის მიერ ავანსის სახით გადასახდელ თანხაზე საავანსო საბანკო გარანტიის წარმოდგენის შემთხვევაში, საავანსო საბანკო გარანტიის წარმოდგენიდან 7 (შვიდი) დღეში), მოთხოვნა საავანსო გადახდაზე უნდა იყოს აღნიშნული სატენდერო წინადადებაში, წინააღმდეგ შემთხვევაში ხელშეკრულების დადების დროს და მისი მოქმედების პერიოდში მოთხოვნა საავანსო გადახდაზე დაუშვებელია.

9.5 სახელმწიფო შესყიდვის დაფინანსების წყაროა: სახელმწიფო ბიუჯეტი.

10. ფასები

10.1 ხელშეკრულებაში განსაზღვრული ფასის ცვლილება დასაშვებია მხოლოდ შემდეგ შემთხვევებში:

ა) საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში (დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა), ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებაზე.

ბ) ეროვნული ვალუტის კურსის ცვლილების შემთხვევაში (აშშ დოლართან მიმართებაში), აღნიშნული კურსის აბსოლუტური მნიშვნელობის 5 %-ით და მეტით ცვლილების შემთხვევაში (როგორც ზრდის, ასევე შემცირების შემთხვევაში).

11. ფორს-მაჟორი

11.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

11.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;

11.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. მხარეთა ურთიერთობა

12.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს იგზავნება საფოსტო გზავნილის სახით;

12.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, თუ ამ თარიღიდან რომელი უფრო გვიან დგება.

13. ხელშეკრულების შესრულების გარანტია

13.1 იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, ტენდერში გამოიყენება გარანტირების მექანიზმის შემდეგი სახე - საბანკო გარანტია, ხელშეკრულების საერთო ღირებულების - 2%-ის ოდენობით.

13.2 მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ვალდებულების უხარისხოდ, არაჯეროვნად, არასრულად შესრულება) შემთხვევაში, მიმწოდებელს საბანკო გარანტიით გათვალისწინებული თანხა არ დაუბრუნდება).

13.3 მიმწოდებელს ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმებიდან 5 კალენდარული დღის ვადაში.

14. ხელშეკრულების პირობების შეუსრულებლობა

14.1 ხელშეკრულებით ნაკისრი ვალდებულებების ვადის გადაცილებისათვის მიმწოდებელს დაეკისრება პირგასამტეხლოს გადახდა, - ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის - 0.1 %-ს.

14.2 გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0,1 %-ის ოდენობით.

14.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

15. გადასახადები და ბაჟები

მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის გადახდაზე, რომლებიც გადასახდელია საქართველოს ფარგლებში

16. დამატებითი პირობები

16.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;

16.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ;

16.3. ხელშეკრულება შედგენილია თანაბარი იურიდიული ძალის მქონე 2 (ორი) იდენტურ ეგზემპლიარად, თითოეული ყოველი მხარისთვის.

17. მხარეთა რეკვიზიტები:

“შემსყიდველი“

“მიმწოდებელი“

მისამართი: ქ. თბილისი; კოსტავას ქ. №68

საიდენტიფიკაციო კოდი: 204 858 163

საბანკო რეკვიზიტები:

სახელმწიფო ხაზინა

ანგარიშის № 200 122 900

ბანკის კოდი: 220 101 222

გენერალური დირექტორი

გიორგი ჭანტურია